



Broj: 02-04-2205/23-AP-6  
Datum: 07.12.2023. godine

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2002) i člana 55. Statuta Općine Zavidovići („Službeni glasnik općine Zavidovići“, broj: 5/2008, 5/a/2008 i 11/1019), Gradsko vijeće Zavidovići na \_\_. sjednici održanoj \_\_. \_\_. 2023. godine, donijelo je

**O D L U K U**  
o izmjenama i dopuni Odluke  
o pristupanju osnivanju Razvojne agencije Zavidovići

Član 1.

U Odluci o pristupanju osnivanju Razvojne agencije Zavidovići („Službeni glasnik Općine Zavidovići“, broj: 5/06) u cijelom tekstu riječ „općina“ mijenja se sa riječi „grad“, riječi Općinski načelnik“ mijenja se sa riječi „Gradonačelnik“, riječi Služba za upravu ekonomskih poslova i poduzetništva“ mijenjaju se sa riječima „Služba za upravu privrede, lokalni razvoj, infrastrukturu i međunarodnu saradnju“, u odgovarajućem padežu.

Član 2.

U članu 1. mijenja se stav (2), tako da glasi: „Osnivač agencije je Grada Zavidovići“.

Član 3.

U članu 2. stav (1) Odluke brišu se tačke od 1-11 djelatnosti Agencije, a dodaju se nove tačke: „

- a) 18.12 ostalo štampanje,
- b) 47.19 ostala trgovine na malo u nespecijaliziranim prodavnicama,
- c) 47.78 ostala trgovina na malo novom robom u specijaliziranim prodavnicama,
- d) 47.99 ostala trgovina na malo izvan prodavnica, štandova i tržnica,
- e) 55.20 odmarališta i slični objekti za kraći odmor,
- f) 58.11 izdavanje knjiga,
- g) 58.14 izdavanje časopisa i periodičnih publikacija,
- h) 62.01 računarsko programiranje,
- i) 62.09 ostale uslužne djelatnosti u vezi s informacijskom tehnologijom i računarima,
- j) 63.11 obrada podataka, usluge hostinga i djelatnosti u vezi s njima,
- k) 63.12 internetski portal,
- l) 63.99 ostale informacijske uslužne djelatnosti, d. n.,

- m) 68.20 iznajmljivanje i upravljanje vlastitim nekretninama ili nekretninama uzetim u zakup (leasing),
- n) 70.22 savjetovanje u vezi s poslovanjem i ostalim upravljanjem,
- o) 71.11 arhitektonske djelatnosti,
- p) 71.12 inženjerske djelatnosti i s njima povezano tehničko savjetovanje,
- q) 71.20 tehničko ispitivanje i analiza,
- r) 73.11 agencija za promociju (reklamu i propagandu),
- s) 73.20 istraživanje tržišta i ispitivanje javnog mijenja,
- t) 77.21 iznajmljivanje i davanje u zakup (leasing) opreme za rekreaciju i sport,
- u) 78.10 djelatnost agencija za zapošljavanje,
- v) 79.11 djelatnost putničkih agencija,
- w) 79.12 djelatnost turoperatora,
- x) 79.90 ostale rezervacijske usluge i djelatnosti u vezi s njima,
- y) 81.30 uslužne djelatnosti uređenja i održavanja zelenih površina,
- z) 82.11 kombinirane kancelarijske administrativne uslužne djelatnosti,
- aa) 82.30 organizacija sastanaka i poslovnih sajmova,
- bb) 84.13 reguliranje i doprinos poboljšanju poslovanja u privredi,
- cc) 85.59 ostalo obrazovanje i poučavanje, d. n.,
- dd) 91.03 rad historijskih mjesta i građevina, te sličnih znamenitosti za posjetioce,
- ee) 93.11 rad sportskih objekata,
- ff) 93.19 ostale sportske djelatnosti,
- gg) 93.21 djelatnosti zabavnih i tematskih parkova,
- hh) 93.29 ostale zabavne i rekreacijske djelatnosti.“

Član 4.

Član 3. Odluke briše se.

Član 5.

Dosadašnji član 4. postaje član 3. Odluke.

Član 5.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

**PREDSJEDAVAJUĆI  
GRADSKOG VIJEĆA**

Admir Fojnica, prof.

## O B R A Z L O Ž E N J E

### PRAVNI OSNOV DONOŠENJA ODLUKE

Članom 55. Statuta Općine Zavidovići („Službeni glasnik Općine Zavidovići”, broj: 5/2008, 5/a/2008 i 11/1019), a u vezi sa članom 15. Privremene Statutarne Odluke Grada Zavidovići („Službeni glasnik Grada Zavidovići“, broj: 4/22) definisano je:

„U okviru samoupravnog djelokruga Općina osigurava obavljanje javnih službi osnivanjem javnih ustanova, a u cilju trajnog i nesmetanog obavljanja djelatnosti u javnom društvenom interesu u skladu sa zakonom.

Općinsko vijeće svojom odlukom osniva javne ustanove kada ocijeni da za njihovo osnivanje postoji javni interes i pravni osnov.

Općinsko vijeće može prenijeti obaveze osnivača na drugo pravno i fizičko lice posebnom odlukom kojom se uređuje način zaštite prava korisnika usluga i druga pitanja od značaja za promjenu osnivača.“

### RAZLOZI DONOŠENJA ODLUKE I OBJAŠNJENJE ODABRANE POLITIKE

Općinsko vijeće Zavidovići je 04.05.2006. godine donijelo Odluku o pristupanju osnivanju Razvojne agencije Zavidovići. Osnivači Agencije su bili Općina Zavidovići i Udruženje samostalnih privrednika Zavidovići (USP). Udruženje samostalnih privrednika je prestalo sa radom dana 20.07.2020. godine, Rješenjem Ministarstva za pravosuđe i upravu ZDK, broj: 06-05-80-5/99.

Iz čega proizilazi i izmijenjen i upisan osnivački kapital Gradu Zavidovići u 100% iznosu. Također izvršene su izmjene i dopune vezano za djelatnosti agencije koje može obavljati kao društvo sa ograničenom odgovornošću; šifre djelatnosti su usklađene sa novom Klasifikacijom djelatnosti BiH 2010, a proširene obzirom na značajne promjene u strukturi i organizaciji ekonomije i razvoju novih tehnologija, a kako je određeno Statutom Razvojne agencije Zavidovići d.o.o., broj: 7-S/23 od 23.01.2023. godine i Rješenjem o izmjenama podataka Općinskog suda u Zenici, broj: 043-0-Reg-22-000645 od 05.10.2022. godine.

Obzirom da je jedinica lokalne samouprave Općina promijenila status u Grad Zavidovići, nadalje izmijenjen je i naziv organizacione jedinice koja je zadužena za realizaciju Odluke, te u skladu s tim izvršene su i izmjene u dijelu tekstu Odluke koje se odnose na gore navedeno.

### USKLAĐENOST ODLUKE S KANTONALNIM I FEDERALNIM ZAKONODAVSTVOM

Odluka o izmjenama i dopuni Odluke o pristupanju osnivanju Razvojne agencije Zavidovići usklađena je sa Zakonom o privrednim društvima Federacije BiH („Službeni glasnik Bosne i Hercegovine“, broj: član 317. stav (3) „Udio člana društva se povećava kada uplati novi ulog ili stekne udio drugog člana“.

Odluka je usklađena sa Zakonom o klasifikaciji djelatnosti Federacije BiH („Službeni glasnik Bosne i Hercegovine“, broj: 76/2006, 100/2008 i 32/2010) izmjenom i proširenjem šifri djelatnosti koje agencija može obavljati upisom u sudski Registar.

### OBRAZLOŽENJE PRAVNIH RJEŠENJA U ODLUCI

U članu 2. Odluke određen je osnivač Razvojne agencije Zavidovići.

U članu 3. Djelatnosti agencije; određene su šifre djelatnosti koje može obavljati Agencija koje su upisane u Registar društva.

Članom 4. Odluke - član 3. je brisan obzirom da je u sudski registar 2022. godine upisana izmjena - smanjenje broja članova Društva.

#### PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja poštivanja ovih izmjena i dopune Odluke propisani su Zakonom o registraciji poslovnih subjekata u Federaciji Bosne i Hercegovine („Službene novine Federacije Bosne i Hercegovine“, broj: 27/05, 68/05, 43/09, 63/14 i 85/21), te kroz mehanizme odgovornosti organa koji upravljaju društvom, regulisanih Statutom društva.

#### OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno planirati finansijska sredstva u Budžetu Grada Zavidovići.

#### OPIS KONSULTACIJA VOĐENIH U PROCESU IZRADE ODLUKE

Tokom izrade Odluke vršene su konsultacije direktora, punomoćnika Skupštine Razvoje agencije Zavidovići i odgovornih lica u Službi za upravu privrede, lokalni razvoj, infrastrukturu i međunarodnu saradnju.

GRADONAČELNIK

doc. dr. Hašim Mujanović

Obradila: \_\_\_\_\_  
(Merima Bašić)

Kontrolisala: \_\_\_\_\_  
(Džeraldina Miličević)